

نشرة "الإنسان والتطور"

السبت: ١٣-١١-٢٠٢١

السنة الخامسة عشر

العدد: ٥١٨٧

من كتاب الفصام (٣)

"فصامى يعلمنا الفصام، (١)

دون أن ينقصم "فصامى" (١ من ؟)

استهلال:

"..إن المريض النفسى (فيما عدا الأمراض العضوية التشريحية) يهدف بمرضه إلى إبلاغ رسالة ما، لكنه يفشل فى توصيلها وتفعيلها، وبالتالي أنه يمكنه - وعليه - أن يسهم فى عملية شفائه بالمشاركة فى إعادة تشكيل ما اختلَّ فيه: مواكبةً مع نفس العملية التى يشارك فيها المعالج وهو ينمو ويزداد حدقا، وهى بعض مبادئ أساسيات ما أسميته "الطبنفسى الإيقاعى التطورى".

وبعد

هذه هي الحالة الثانية التى تؤكد جدوى هذا النشر المسلسل آملا فى الاستيعاب البطء الهادئ، والاستفادة، وشكرا.

\*\*\*\*

المقدمة:

هذا هو الكتاب الأول عن حالات الفصام بعد تحديث الكتاب النظرى الأم الذى لست متأكدا إن كان سوف يكون فى المتناول قبل صدور هذا الكتاب الحالى أم لا.

أخيرا، أن الأوان أن أوفى بدينى وأكتب عن الفصام من واقع خبرتنا المحلية وثقافتنا الخاصة، وأذكر أننى وعدت مرارا بذلك، بل وهممت فعلا بأن أجعله فى مقدمة ما ينبغى أن أوفى من خلاله ببعض ديونى لأساتذتى المرضى و طلبتى وزميلاتى وزملائى الدارسين والمتدربين قبل وبعد ومع أساتذتى الكرام الذين أخذوا بيدي وأناروا وعيى من أول الطريق وحتى تاريخه.

رجعت إلى ما كتبتة عن الفصام، وما قمت فيه بما يسمى أبحاثا عن الفصام سواء قمت بها شخصيا أم من خلال إشرافى على رسائل الماجستير والدكتوراه فوجدت أنها تعد بالعشرات، رجعت إلى الفصل

١ - يحيى الرخاوى " الفصام (٣) "فصامى يعلمنا الفصام، دون أن ينقصم" منشورات جمعية الطب النفسى التطورى (٢٠٢٠)

الخاص بدراسة الفصام فى كتابى الأم "دراسة فى علم السيکوباتولوجى" (٢) فوجدتها قاربت المائة صفحة، ثم مؤخرا وجدت أنى نشرت كتبنا بأكملها كل كتاب يحوى حالة فصام واحدة، ثم توقفت.

الأصعب من ذلك، وهو الذى ألزمنى بالمبادرة بالإقدام على الخطوة الحالية هو أننى طلبت من سكرتيريتى أن تجمع الحالات الكلينيكية التى قمت بالتدريس عليها فى الأربعين سنة الأخيرة فى قصر العينى ودار المقطم مكتفيا بالحالات التى تم تسجيلها بالصوت والصورة مع المناقشات التالية فإذا بها تربو على مئات، فتوقفت، واستغفرت، وأسفت، واعتذرت.

لا أريد أن اعترف بتقصيرى، فوقتى لم يشغله دراسة طول هذه السنين إلا حمل الأمانة لأصحابها، لكن يبدو أن الأمانة كانت - ومازالت - أكبر من قدرتى، وأثقل من وقتى، فيحضرنى قول الصوفى الذى كان يدعو الله أن يعينه أن "يملاً الوقت بما هو أحق بالوقت"، فأتساءل دون شعور بالذنب، ومن أين لى أن أميز مطمئنا أى أمانة أولى من غيرها بملء الوقت، وأنظر فى رقمى القومى الذى لا أحب النظر فيه. فيحضرنى قول عمنا أبو قراط وهو رمز موقعى الإلكتروني:

"الحياة قصيرة، والمعرفة ممتدة، والفن طويل، والفرصة هاربة، والتجربة تحتل الصواب والخطأ والحكم على الأمور من أصعب الأشياء"

### وبعد

كنت أنوى أن أبدا كتابتى عن الفصام "مرض الأمراض" كما اعتدت أن أطلق عليه، بتحديث ما أثبتته فى كتابى الأم المشار إليه حالا، ثم بعد ذلك أجمع ما استطيع من حالات تحدد ما أعنيه بما وصلنى من إنارة خاصة بخبرتنا وثقافتنا الخاصة من حالات بالإشارة فى الكتاب النظرى إليها فى موقع نشرها أولا بأول، لكنى رجعت أنظر فى أوراق هويتى فوجدت أن عمرى لم يعد يسمح بمثل هذا الاختيار حتى أكمل ما أنوى واستغفرت ربي وحمدته.

هكذا بدأت بما عندى من حالات جاهزة، وقد سبق أن نشرت بضعا منها وهى متاحة مع ما نشرت مؤخرا (٣) ثم بدأت فى تجهيز ما هو جاهز تقريبا للنشر فظهر هذا الكتاب كأول حالة فى هذا التعهد الجديد، وفى نفس الوقت فإنى أوصل إكمال الكتاب النظرى عن الفصام بنفس حسن النية والمثابرة، وإذا بهذه الحالة الواحدة الحالية تصل إلى مئتا صفحة وأنا أشعر كلما تماريت لإكمالها أنها تستأهل فلا أترجع، بل إن ما ورد بها أعانى كثيرا فى الكتابة النظرية المواكبة فى نفس الوقت. وهكذا خرج هذا العمل هكذا:

هى حالة لها معالمها الخاصة التى تكاد تبعدها عن كونها كذلك، ومع ذلك فهى كذلك، حين تأكدت وأنا أعيد كتابتها تمهيدا للنشر أنها تفيد مدخلى إلى هذه المهمة من حيث أننا لا نعرف ما هو الفصام: سمحت لرشاد أن يعلمنا فكان العنوان:

"فصامى يعلمنا الفصام، دون أن ينفصم!"

٢ - يحيى الرخاوى "دراسة فى علم السيکوباتولوجى" سنة ١٩٧٩  
٣ - مثلا: يحيى الرخاوى: "دروس من قعر الحياة!! الفهد الأعرج والكهمل النَمِير" (حالة عبد الغفار "الكهمل")، (حالة ياسر "الفهد") الطبعة الأولى ٢٠١٨ منشورات جمعية الطب النفسى التطورى.  
- يحيى الرخاوى: "من حركية الجنون إلى رحاب الناس" (مرورا بالعلاج الجمعى) (حالة محمد طريقتها) الطبعة الأولى ٢٠١٩ منشورات جمعية الطب النفسى التطورى

قيل: وكيف كان ذلك؟

قلت: "هَؤُمُ اقْرَءُوا كِتَابِيَهٗ"!!

**ملاحظة:** بعد انتهائى من تقسيم الكتاب إلى فصول لكل فصل عنوانه المستقل، فضلت أن أحذف كل العناوين وأن أستبدل بها أرقاماً مسلسلة مكتفياً ببعض العناوين الجانبية إذا لزم الأمر. وبالتالي أنصح قارئى الفاضل ألا يعتبر التقسيم الذى ورد فصولاً يمكن أن تستقل، ولم أعرف السبب الذى دعانى لذلك، لعله أمل أن يُقرأ هذا العمل فى "نفس واحد"، فأنا أعتقد أنه كتب كذلك!

(١)

## استهلال:

رشاد عاين رأى العين عملية الفصام (..الداخلية)، ومن البداية، ووصفها كما نعرفه وكما لم نعرفه، ثم هو الذى حال دون تمادى التفسخ، أى دون أن ينفصم، حتى اختفت الأعراض تقريباً حين تراجعتم نظرات الناس أن تخرق مخه (إلا أحياناً)، كما ذكر فى نهاية الحلقة الأخيرة.

فى الرد على سؤال إحدى الزميلات استرسلت فى الرد عليها لأقدم شرح كيف أنه لملم نفسه قبل أن يتفسخ بعدد من الميكانيزمات المناسبة مثل العقلنة والكبت، ولكن بدرجة غير معيقة فقد قلت لها: إن ثمة عين داخلية (آلة "حس" داخلية لها علاقة بالحواس وما حولها)، هى نوع محوّر من الإدراك القديم، عبر تاريخ التطور، تستطيع أن ترصد الداخل بما هو، وهى التى تنشط فى النوم أثناء النشاط الحالم أساساً (نوم حركة العين السريعة REM "ريم")، كما تنشط فى بداية الفصام خاصة، وفى أطواره النشطة، وليست بالضرورة أطواره الحادة، ونشاطها - من حيث المبدأ - غير قاصر على الفصام بل هى تنشط فى معظم الذهانات النشطة، وهى ترصد الداخل "بما هو"، إلا أن صعوبة التعبير عن حركية الإدراك كما تمارسها هذه العين يخلق مشاكل حين يقتصر فهمنا للألفاظ على ما اعتدنا عليه.

المأل الذى خرج به رشاد من نوبة ذهان سابقة يختلف من أقصى العمى، إلى الناحية الأخرى: أى احتمال شحذ البصيرة، سواء كان ذلك بمعنى البصيرة الوقائية، وهى التى تفهم الخبرة المرضية من حيث غايتها ولغتها، فتحول دون تكرارها أم البصيرة المعقلنة التى تنتقن رصد ما كان على مستوى معقلن مغترب، قد يكون جزءاً مما نسميه اندمالاً نسبياً بوقف تمادى التفسخ فحسب، وقد تتوقف عند هذه المرحلة توقفاً كاملاً، وقد تتدهور ببطء بعد ذلك.

وهنا يبدأ التأكيد على أن هذا الرصد يبدأ بنشاط ما يمكن أن نسميه الآن "الإدراك الحسى الداخلى"، الذى يلحقه عادة غموض على مستوى التفكير التفسيرى المفاهيمى (وهو ما حدث لرشاد معظم الوقت)، إن هذه النقلة من الإدراك المباشر للواقع الداخلى، إلى العجز عن تفسيره (الغموض الذى اشتكى منه رشاد مراراً) إلى المسارعة بتحويله، فى صورة هلاوس مسقطه أو ضلالات مبرّرة: هو مواز للنقلة

التي أشرت إليها سابقا في تشكيل الحلم المحكى مما تبقى من مفردات (معلومات من الصور أساسا) تحركت أثناء نشاط الحلم البيولوجي (إن صح التعبير)<sup>(٤)</sup>

من خلال حالة رشاد لاحظنا أن ما نسميه "الواقع الداخلي"، هو واقع فعلا من حيث أنه كيانات ومعلومات وخبرات موجودة ومتحركة بنظام نوابي دورى (الإيقاع الحيوى)، لكن لا يمكن مواجهة واستقبال هذا الواقع بشكل مباشر إلا أثناء عملية الإبداع أو عملية الجنون.

لم نتح لنا في حالة رشاد أن نرصد ما نسميه إبداعا، اللهم إلا في النظر إلى محاولات إعادة التشكيل "معا" لما تفكك من وحدات ثم رصدها، ثم محاولات منعها من التمداد إلى التفسخ. إن ما حدث بهذه الطريقة قد سمح لنا أن نواصل افتراض أن هذا الاستقبال للعالم الداخلي هو إضافة معرفية بالمواجهة بصفة مبدئية.

تم التعامل مع رشاد - مثلما ننصح أن يحدث مع معظم المرضى خاصة في مثل هذه المرحلة - على أن المسألة لم تعد أن ما يقوله هو "حقيقته" بمعنى خصوصية تخيله، وإنما هو الحقيقة الماثلة بداخله، أى الواقع الداخلي، الذى يشارك فى الاعتراف به المعالج بأكبر قدر من الصدق الممكن وهنا يظهر دور المعالج "كناقد للنص البشرى" على الناحيتين: حالة كونه مشاركا للمريض كناقد أصلى لنصه ونص المعالج معاً، وتختلف نسب الأدوار مع التقدم فى العلاج.

حين تنشأ المخ القديم - عند رشاد - ونتج عن ذلك انسحابه من الواقع الخارجى، وأيضا كان ذلك من أسباب تذبذب القرار لدرجة إشلال الإرادة الفاعلة من الناحية العملية، لم يقم المخ القديم بإزاحة نشاط المخ الحديث تماما، بل إن الأخير (المخ الحديث) تنشأ فى نفس الوقت، غير منافس للنشاط المرضى، وإنما اكتفى بأن يزاح وراح يتفرغ لرصد هذا الفصم الجارى، ربما بين المخين، كما ذكر رشاد وهو يحكى عن كيف أن مخه انشق إلى نصفين، بل راح يرصد ويحكى عن ما جرى لكل الأمخاخ (الأدمغة)..  
تنظيمات الوعى... الخ)

أخذت نشاط المخ الحديث وقام بدور الرصد والوصف بدقة متناهية، مع تخليه (تخلى المخ الأحدث) عن القيام بنشاط يخدم الواقع الذى يترتب عليه القرار المناسب، وإنما توجه نشاطه إلى رصد الجارى، عقلنة سواء مرضيا (تكوين الهلوس والضلالات الثانوية)، أو عاديا (فعلنة المعلومات)، لكن حين التقى المعالج المصدق المواكب، بدأ نشاط المخ الأحدث يقود من ناحية ويسهم فى تنفيذ خطة العلاج من ناحية أخرى.

إن الاستعانة بعقاقير مضادة للذهان هو أمر مهم بشكل خاص، ويُتبع فى ذلك وصف الأدوية حسب هيراركية دقيقة، تتغير مع تغير حركية العلاج مُقاسة بمحكات نمائية شاملة، وواقعية يومية محددة، وليس فقط باختفاء الأعراض

<sup>٤</sup> - بحى الرخاوى: فصل "الإيقاع الحيوى ونبض الإبداع" فى كتابي: "حركية الوجود وتجليات الإبداع" (جدلية الحلم والشعر والجنون) المجلس الأعلى للثقافة ٢٠٠٧

إن التفرقة بين استعمال العقل (الموضوعي)، والعقلنة (الدفاعية) أمر صعب، وهو لا يقاس إلا من خلال تقييم أبعاد التفعيل الذى يبدو سليماً إذا نجح فى دفع عملية النمو على أرض الواقع. يمكن مقارنة هذه العملية، خصوصاً فى بدايتها، بما يحدث فى نشاط الحلم، إلا أنه فى الحلم تنتهى العملية التفكيرية بإعادة الترتيب Repatterning، وبالتالي هى عملية بنائية تعليمية بغض النظر عن محتوى الحلم المحكى. (بل لعلها هى هى مع اختلاف المأل).

بنفس القياس والمقارنة فإننا نتبنى فرضاً يقول: إن بداية هذه العملية (التحريك بالتفكير) هى تقابل وتماثل بداية الإبداع الذى يتم فى الإبداع بدرجة من الوعى المشتغل، فىكون نتاجه تشكيلاً جديداً، ليس مجرد تنظيم مفيد (الحلم)، ولا مأل متفسخ (الفصام)، وهذا ما لم تتح الفرصة لرشاد أن يكمله، اللهم إلا بمرحلة التصوير الداخلى إن صح التعبير.

ربما أفاد – مؤقتاً – انسحاب رشاد من العمل (والناس) فى منع أو تأجيل التفسخ، وذلك باستعمال الميكانيزمات المناسبة، وبالذات ميكانيزمى التفكير والعقلنة، ثم الإسقاط، وقد قامت العقلنة والإسقاط بتوقيف الحالة عند مرحلة الوصف، وكذلك بتبرير وتسويغ متطلبات الواقع، ثم قامت "العقلنة" (فالعقل لاحقاً) برصد عملية التفكك كما سيظهر طوال عرض الحالة.

حالت هذه الميكانيزمات الثلاثة (التفكير فالعقلنة والإسقاط) – حتى رصد المسار – دون التمداد فى التفسخ الفعلى.

تبيننا بعد ذلك كيف ورث رشاد برنامجاً يعلن جاهزية تنشيط التاريخ العائلى المرضى عنده، كما أنه يشير أيضاً إلى أن كل مَنْ مَرَضَ فى هذه العائلة قد تحسن أو شفى، والأرجح أن الشفاء فى معظم الحالات أو كلها قد تمَّ باختفاء الأعراض أكثر من اضطراد النمو: الخال مرض فى سن ١٨ سنة ودخل مستشفى العباسية، وشفى، والعم أصيب بنوبة اكتئاب شفى أيضاً بعلاج جلسات تنظيم الإيقاع ولم يعاوده المرض بعد ذلك.

هكذا يمكن استنتاج – كما ذكرنا حالاً – أن رشاد يحمل برنامج زخم التفكير، بقدر ما يحمل برنامج القدرة على ضبطه واستعادة توازنه، بعلاج أو بدون علاج أحياناً).

من خلال تتبع الحالة طولياً تبين لنا كيف نرصد، أو نتوقع، أن أية وقفة فى مرحلة معينة من مراحل التفكير نحو التفسخ، أو اللجوء بالدفاعات القديمة أو الجديدة التى تدعمت بعد الخبرة المرضية، يمكن أن ينتج عنها وقفة تستأهل تشخيصاً آخر، وهذا هو ما يسمى "نقلة الزملة" Syndrome Shift بمعنى أن رشاد يمكن أن يتوقف عند (أو يمر بـ) مرحلة وسواسية صريحة، أو اكتئابية جسيمة، أو حتى هوسية مؤقتة، وهذا يتوقف على الظروف المحيطة الجديدة، وطريقة تكيفه الإراضى لها.

كذلك يجدر بنا أن ننتبه إلى بعض دلالات وآليات الحوار على مدى عرض الحالة، ولنأخذ على سبيل المثال قيمة ما يسمى "احترام تجربة المرض"، بدأً بأخذ شكوى رشاد مأخذ الجد تماماً، باعتبار أنها واقع آخر. إن هذه القيمة ليس لها أدنى علاقة بالشفقة عليه، أو "أخذه على قدر عقله: كما يشاع.

تأكدت أيضا ضرورة التوليف بين الاستعمال الانتقائي للعقاقير، ونمو العلاقة العلاجية ، بديلا عن الاستقطاب (إما...أو)، مع تطويع الجرعة من كِلِّ (العقاقير والعلاقة) أثناء خطة التأهيل والعلاج باستمرار.

## (٢)

### كلمة أساسية عن " الإدراك " لفهم الحالة:

الإدراك هو الخطوة الأساسية فى العمليات المعرفية برمتها، بما فى ذلك الدراية<sup>(٥)</sup>: فهو بمثابة البوابة المعرفية الأولية Cognitive Gate التى توصل مستويات الوجود فى الداخل والخارج بعضها ببعض بدرجات متفاوتة من الدراية.

وفى حين أن الإدراك يتضمن بصورة شبه دائمة قدرا وافرا من الشعور بواقع مائل (سواء كان من البيئة الداخلية أو الخارجية) نجد أن التخيل كما يشاع عنه يتجاوز الواقع المعروف عادة، فهو تشكيل مصنوع بآلية أقرب إلى التفكير منها إلى الإدراك، وبالتالي فهو يتجاوز الواقع الآنى داخلا وخارجا دون أن يفصل تماما عنه.

التخيل هو فعلا بعيد عن الإدراك ، فهو تشغيل آليات التفكير (وليس الإدراك) فى صنع واقع جديد، مستمد من كل أجديات المعرفة الظاهرة والباطنة  
ثم ننقل إلى ما ينبغى توضيحه عن "العين الداخلية" و"البوابة المعرفية": يبدو أن ثمة علاقة وثيقة بين "العين الداخلية"، و"البوابة المعرفية".

البوابة المعرفية هى أقرب إلى نشاط الإدراك باعتباره الخطوة الأولى الأساسية فى السلوك المرتبط بعمليات اعتمال المعلومات<sup>(٦)</sup> Information Processing بصفة عامة (على كل المستويات: التفكير والعواطف والجسد)، أما تحديد الاسم هكذا "البوابة المعرفية"، فلا أعرف من أين جاءنى، ربما من مريض.

### تنبيه مبدئى:

لا أتردد فى أن أكرر أن ما يسمى الاستبطان أو التأمل الداخلى، ليس مرادفا لنشاط ما يسمى العين الداخلية، ذلك لأن ما يسمى التأمل الذاتى يغلب عليه النشاط المعقلن المترجم إلى رموز كلامية فى العادة فى محاولة وصف ما بالداخل، أما إدراك البيئة الداخلية، فهو يعتبر أول خطوة فى كثير من العمليات النفسية (المعرفية والوجدانية على حد سواء)، وفى ظروف خاصة قد يستطيع بعض الأفراد أن يرصدوا نشاطه وخطواته، بل وأن يصفوها مثلما يحدث فى بداية الذهان وفى أطوار نشاطه قبل إزمائه وتشويهه أو ترميزه، وأيضا فى حالات الإبداع والحدس مما سنعود إليه لاحقا.

٥ - سوف نستعمل كلمة "الدراية" ترجمة للفظ awareness حتى نقصر استعمال كلمة الوعى لتخص لفظ consciousness وتظل كلمة الإدراك لما هو perception، وإن كان هذا لا يخلل الإشكال تماما إذ تظل ألفاظ مثل الشعور واللاشعور تشير إلى الوعى وما تحت الوعى، ونأمل رويدا رويدا أن يختص كل لفظ بمعنى جامع مانع باستمرار.  
٦ اعتمال المعلومات هو الترجمة التى انتهيت إلى اختيارها لمصطلح Information Processing بعد أن كنت أستعمل تعبير فعلنة المعلمات، وكان آخرون يستعملون تعبير "طبخ" المعلومات، أما الأكثر تداولاً فهو "معالجة المعلومات".

بلغ اليقين ببعض الإكلينيكيين فيما يتعلق بإمكانية إدراك الداخل مباشرة أنه نشاط جوهري عند المبدعين والتشكيليين والمرضى فصكوا لذلك مصطلح "العين الداخلية"، ليس على سبيل المجاز، كما سنرى بعد. وقد استعمل هذا المصطلح بشكل مباشر ودقيق في وصف نوع من الهلوسة ممارس إكلينيكي نابه هو سمز Sims<sup>(٧)</sup> حيث تحدث تحديدا عن "العين الداخلية" مما سنعود إليه مع مناقشة الهلوسة، وجدير بالذكر أن اسم المصطلح هو الجديد فحسب أما الظاهرة فقد وصفت أيضا بواسطة كل من كارل يونج وياسبرز وبنز فاجنر وكاتب هذه السطور.

هذا، ويمكن اعتبار جهاز تشغيل العين الداخلية شديد الارتباط بجهاز تشغيل ما يسمى بالمعرفة المتجاوزة للحواس الخمس وهو ما يربط الفرضين ببعضهما البعض بشكل ما.

### (٣)

#### ملاحظات مبدئية:

أود أن أنبه إلى التأكيد على ضرورة ملاحظة عدة نقاط تساعد على التواصل، من أهمها:

(١) طبيعة المقابلة الإكلينيكية والتأكيد على أخذ كل كلمة وخبرة يذكرها رشاد مأخذ الجد باعتبارها ليست فقط حقيقته، وإنما الحقيقة التي رآها فحكاها (ما لم يثبت العكس)

(٢) عدم الإسراع بالربط بين خبرة رشاد الأولى في علاقته بالحاسوب، بما يحكى من أعراض بمعنى ألا نستسهل أن نفسر عمق ودقة ما يحكيه من أعراض وشكاوى بأنها نتيجة لإيحاءات ذاتية مرتبطة من مهاراته في هذا المجال، علما بأنه لم يتعدّ مرحلة التدريب، ومن ثم النصح بعدم استسهال تفسير لغته وأعراضه بالاستسلام لما يسمى بالإيحاء الذاتي.. إلخ.

(٣) عدم الاكتفاء بما تقتطف هنا فيما يتعلق بالعين الداخلية فحسب.

أما أن "رشاد"<sup>(٨)</sup> فصامى، فهو كذلك فقد اكتملت فيه كل محكات تشخيص الفصام في الدليل الأمريكى الرابع DSM IV، وإلى درجة أقل، في التصنيف العالمى العاشر ICD 10، وبشكل أو بآخر: فى التقسيم المصرى (العربى) الأول DMP I.

أما أنه رَصَدَ حركية الانفصام فقد وصفها بكل ما عُرِفَت به (وما لم تعرف به!) نفسراضية<sup>(٩)</sup>

الفصام: وهذا ما سوف نراه سويا من واقع شكواه، وفحصه والحوار معه

أما أنه لم ينفصم، فهذا ما حدث إذ ظل محتفظا بتماسكه، واحدا صحيحا، لم يتفسخ، ولم يتبلد، ولم ينسحب تماما، ولم يفقد إرادته الخاصة التى فَرَضَ بها قرار سفره للخارج (لأكل العيش) أثناء العلاج، فرضه بمخاطرة متحدية محسوبة، ثم قرار عودته، ثم ما لا نعلم بعد.

أظن أن الأمر ازداد غموضا برغم هذه المقدمة المتسحبة.

<sup>7</sup> - Sims, A. (2002) Symptoms in the Mind: An Introduction to Descriptive Psychopathology (3rd ed).. Elsevier. ISBN 0-7020-2627-1

<sup>٨</sup> - (ليس هو الأسم الحقيقى)

<sup>٩</sup> - Psychopathology

المهم: سواء صح أم لم يصح : أنه فصامى، سواء صحَّ أم لم يصح أنه رأى حركية الانفصام (وهى تحاول تفكيكه) ووصفها، بداخله و أيضا مُسقطه خارجه، سواء صح أم لم يصح أنه – برغم ذلك - لم ينفصم، بما حاور وقرر وفعل، سواء صح أى من ذلك أم لم يصح، أتصور أنه يصعب جدا أن تصل – عزيزى القارئ - إلى ما أريدُ توصيله:

(١) إلا إذا: نسيتَ تماما هذا العنوان: "فصامى" يعلمنا: "كيف" الفصام، "دون أن ينفصم"!!  
(٢) إلا إذا: نحيتَ جانبا كل ما سمعته عن الفصام خاصة من العامة والهواة (وأغلب الأطباء النفسيين أيضا)

(٣) إلا إذا: تذكرت أن التقسيمات الأحدث (حتى الامريكى الخامس، والعالمى العاشر) تُوفر الاتفاق reliability (ثبات استعمال نفس اللفظ لوصف مجموعة من السلوك المرضى: الأعراض أو تسمية مريض بذاته) فى حين أنها تفتقر تماما إلى المصادقية validity (إذ لا يتضمن اللفظ المستعمل للتشخيص نفس المضمون أو نفس المحتوى أو نفس المعنى عند من يستعملونه<sup>(١٠)</sup>)

(٤) إلا إذا: صدقتَ كل (أو أغلب) ما يقوله رشاد، دون الإسراع بتكذيبه، أو اتهامه بالغموض على الأقل لمجرد أنك لم تفهمه بالقدر الكافى.

(٥) إلا إذا: صبرت علينا حتى تقرأ الفروض واحتمالات التطبيق وتتبع الحالة

(٦) إلا إذا: تذكرت أننا لا نبحث عن اسم آخر (تشخيص آخر) أكثر تلاؤما مع الحالة أو أوفق صلاحية لفهمها، وإنما نبحث: أولا: فى التعرف على ما هو مائل أمامنا، كما هو، ثانيا: أنفع الطرق للقيام بما نحن مكلفون به (العلاج هنا)،

ثالثا: إلا إذا تذكرت أننا نحاول أن نفهم الإدراك من خلال فشل عملياته وتماسكها وتناسقها وبالذات من التعمق فى طبيعة عملية اعتمال (معالجة) المعلومات Information Processing<sup>(١١)</sup>

.....

.....

(ثم نكمل غداً) (٤) "ملخص الحالة"

<sup>١٠</sup> - يحيى الرخاوى: "تشخيص الفصام دون تحديد ماهيته!" نشرة الإنسان التطور اليومية بتاريخ (٢٠٠٧/١٢/٢) بموقعى [www.rakhawy.net](http://www.rakhawy.net)

<sup>١١</sup> - يلاحظ الصديق القارئ أننى خلال أكثر من خمس سنوات أحاول تجنب أن أحشر الكلمة الانجليزية فى النص العربى، تعلمت ذلك من المرحوم د. أحمد مستجير افتخارا بلغتى، لكننى مضطر فى هذا المقام رشوة للزملاء الأطباء حتى أشجعهم أن يتابعونى.



نشرة "الإنسان والتطور"

الأحد: ١٤-١١-٢٠٢١

السنة الخامسة عشر

العدد: ٥١٨٨

من كتاب الفصام (٣)

"فصامى يعلمنا الفصام، (١٢)

دون أن ينقصم "فصامى" (٢ من ؟)

استهلال:

نواصل اليوم (وكل سبت وأحد) في تقديم هذه الحالة ومثلها – لأننى أشعر أنه من واجبي أن يعرف الناس، وليس فقط طلبتى وزملائى جوهر ثقافتنا الخاصة في الصحة والمرض.

قدمنا فى نشرة أمس (١) استهلال، (٢) كلمة أساسية عن "الإدراك" لفهم الحالة، (٣) وملاحظات مبدئية

(ونواصل اليوم)

(٤)

ملخص الحالة:

رشاد مرض، جاءنا مريضاً يشكو، بعد أن توقف عن العمل، وكاد يتوقف عن الحياة، جاء مريضاً، وها نحن نفحصه ليس أساساً للوصول إلى تعليق لافتة التشخيص، ونحاوره، لتعلم منه معالم آليات الصحة والمرض، حتى بدأ الحوار أحياناً وكأنه تحقيق!! وهو من أسرة متوسطة، فيها تاريخ إيجابى للمرض النفسى.

هو رجل فى منتصف العمر، (٣٣ سنة)، أعزب، كان يعمل سائقاً لحافلة ركاب (أتوبيس)، توقف عن العمل لمدة عامين، إلا شهر واحد، عمله فى السعودية ثم عاد للانقطاع، يعيش فى حي متوسط فى القاهرة، وبلده الأصلى قريب أيضاً من القاهرة. وقد حضر بنفسه للاستشارة، وأدخل فى نفس اليوم القسم الداخلى (قسم الأمراض النفسية قصر العينى) مختاراً، وكان قد أصيب بنوبة طارئة قبل ثلاث سنوات عولجت على مستوى العيادة الخارجية، ثم نوبة أخرى منذ ستة أشهر أدخل على إثرها القسم الداخلى وعولج وتحسن لكنه لم يعد لعمله.

١٢ - يحيى الرخاوى " الفصام (٣) "فصامى يعلمنا الفصام، دون أن ينقصم" منشورات جمعية الطب النفسى التطورى (٢٠٢٠)

وبالنسبة للتاريخ العائلي فقد أظهر أن خاله قد أصيب بمرض عقلي وهو فى سن ١٨ سنة، وأدخل مستشفى العباسية لفترة قصيرة وتعافى، ولم ينتكس بعدها، كما أن عمه قد عانى من نوبة اكتئاب وعولج بجلسات تنظيم الإيقاع (الصدمة الكهربائية) وشفى أيضا.

حصل رشاد على الثانوية التجارية، ولم يكن مجتهدا دراسيا، (مع أن أخته قد نالتا درجة جامعية)، فحول مساره إلى تعليم فنى متوسط، ثم حصل على دبلوم أعلى قليلا: (مدة الدراسة عامان بعد الثانوية التجارية)

عمل رشاد أعمالا متعددة منذ صغره (عشر سنوات): مبيض محارة، بائع فى محل، سباك، عامل طباعة، جرسون، ثم سائق فى هيئة النقل العام، لمدة تسع سنوات.

(قبل المرض!! كان شابا نشطا اجتماعيا حاضرا) يصفه أبوه بما يلى:

رشاد كان عنده جروب اصحاب كان بيخرج ويسافر معهم، بس ماكانش ليه فى البنات قوى، انا كنت عايزه يتجوز من زمان بس هو عايز يكون مستقبله الأول، رشاد عنده طموح جامد اللى تعبته هو الطموح، عيبه انه عايز يطلع السلم مرة واحدة. واللى بيطلع مرة واحدة ممكن بسهولة يقع مرة واحدة. هو لازم يأخذ الأمور بالتدريج بس هو مش فاهم كده. يعنى هو مثلا ساب الشغل فى الهيئة علشان يشتغل فى السعودية بس فى الآخر ولا حصل الهيئة ولا السعودية. وكان بيقولى انا مش عايز أطلع زيك أنا عايز أطلع أحسن منك نكتفى الآن بهذا المقتطف الموجز من شكواه لتعلقه بما نريد تقديمه:

\* " مخى عامل زى ورتين مقولين على بعض

\* انا حاسس ان عقلى مقفول

\* مخى صندوق مليون مش قادر أقتله مهما اتكيت على غطاه...الخ"

\*\*\*\*\*

## من المناقشة مع مقدمة الحالة الدكتورة: (مريم)

د.يحيى: المهم: إنتِ مقدمة الحالة دى النهارده ليه؟ إيه اللى شاغلك فى الحالة دى؟ إيه اللى انتى عايزة إننا نتناقش فيه؟

د. (مريم): بصراحة أنا اتخضيت من الطريقة بتاعته اللى قعد يوصف لى بيها الحاجات، وهوا بيحكى عن اللى حصل

د.يحيى: طريقة إيه؟ اللى هى إيه يا بنتى؟ كتر خيرك

د. (مريم): اللى هى قعد كذا مرة يشرح لى فى جمل مؤكدة عن إيه اللى هو بيحس بيه فى مخه ، وفى نفس الوقت ، بيقول إنه مش قادر يشرح لى، وإن الأمور غامضة بالنسبة له.

د.يحيى: يعنى هوه بيقول لك أنا ماعرفش أوصف، ويحكى عن نوع من الغموض، وفى نفس الوقت يقول كلام مية مية؟ طب ما هو كده عندك حق تستغربى.

**(د.م):** آه ، طول الوقت عمال يوصف اللي جاله، واللى عنده بشكل كويس جدا، وهو متأكد من اللي بيوصفه، وانا مصدقاه، ومش فاهمة إيه اللي جواه ده، وهو عمال بيوصفه، ومش عارفه عرف اللي جوا كده إزاي.

**د.يحيى:** جواه إيه بقى؟ الظاهر انت شاطرة ومصححة عشان لسه صغيرة، لو كنت حضرتى حالات كثير من نوع التشخيص بتاعك للحالة دى كان مخك اتلخبط، ويمكن كنت فهمتى أكثر وبوّطتى كل حاجة، ده حاجه جميله جداً اللي انت بتعمله ده إنك قلتى إنك مش فاهمة وتحاولى تفهمى، نفهم سوا.

**(د.م):** فأنا كنت قاعده باحاول أسمع، عماله أحاول أفهم هو يعنى هو عاوز يوصف إيه، يعنى ده اللي شدنى ليه بصراحة

**د.يحيى:** الله يفتح عليكى ، عندك حق

**(د.م):** وبرضه اللي شدنى له إنى لقيته جدع، عمال يشتغل طول الوقت تقريبا، بيشتغل أى حاجة، وكل حاجة، ما بطلشى إلا الآخر

**د.يحيى:** إستغربتى إن واحد عنده مرض شديد إالى انت سمتيه (فصام) من غير تردد، ولا تشخيص فارقى<sup>(١٣)</sup> (بديل) يعنى ما فيش احتمال تشخيص تانى، وفى نفس الوقت بتوصفية بالشطارة دى، والجدعنة فى شغله، وبيحكى (هوا) بالوضوح ده ، مش كده؟

**(د.م):** آه

**د.يحيى:** ثم هو فى نفس الوقت برضه باين عليه إنه حاضر، وجاهز، وعامل معاكى علاقة جامدة، علاقة من اللي بنغلب نحاول نعملها مع العيانيين وما فيش فائدة

**(د.م):** آه بالطبط

**د.يحيى:** .....

.....<sup>(١٤)</sup>

أنا متشكر جداً

حالة كويسة ومفيدة إن شاء الله

(يلتفت إلى بقية الحضور)

..... العيانيين دول ساعات بيحددوا بداية المرض، مش من ساعة ما ظهر فى السلوك، لأه، ده من ساعة بداية العملية الإمرضية (السيكو باثولوجى)، عادة بعد ما يتكسروا، يكتشفوا إنهم اتكسروا من جوه قبل كده بمدة، يعنى هؤا بيقدر يحدد (بأثر رجعى) بعد ما يعيا: بيقتكر هى الحكاية "حودت امتى"، حودت جوه جوه، حودت عن السكة الطبيعية بتاعة النمو، ..... ولما تظهر آثار التحويدة دى، فى شكل مرض،

<sup>13</sup> - Differential Diagnosis

<sup>١٤</sup> - النقط تشير إلى المحذوف الذى قد يبلغ بضع صفحات أما الأقواس فهي إضافات محدودة تعوض النقل من الأصل (صوت وصورة) إلى نص مكتوب يحتاج إلى توضيح وتحدد لتوعيض النقص واختلاف الأداة.

أو أى حاجة ثانية، يقول أنا عيان من مدة كذا، مدة بعيدة تمام عن البداية القريبة، أو يقول أنا عيان من ساعة ما كذا حصل.

.....

.....

د. يحيى : حالة العيان بتاع النهارده ده برضه فكرتى بحالات ثانية أنا اتعلمت منها حاجة لها علاقة بطريقة الحكى دى، زى ما يكون هوّه بيشوف العمليات العقلية المعرفية، كأنها بتحصل قدام عينيه، وبتتعرض بالسرعة البطيئة، كان أول مرة لاحظ الحكاية دى، أظن كانت سنة ١٩٧١، كان دكهه عيان فصامى برضه، كان بيحكى عن صعوبة التفكير، كان بيقول إن السطر لما بيقراه بيخش بحاله ماسك فى بعضه زى سطور "اللينوتيب"<sup>(١٥)</sup> قوالب الرصاص اللى كانوا أيامها بيطبغوا بيها الكتب بدال ما يجمعوا الكلمات حرف حرف، المهم العيان ده كان بيحكى إزاي بيبدل جهد، عشان الكلام يمتزج بمخه، يقوم يفهمه، بصراحة أنا أيامها أعجبت بالوصف جدا، وماكنتش مهتم قوى بتفسير إزاي السطر لما يخش حته واحدة يقوم هو يضطر بيبدل جهد عشان يدخله جوا مخه، كنت لسه ما فتحتش ملف عملية شاغلانى اليومين دول ، قصدى عملية فعلة (اعتمال - معالجة) المعلومات Information processing، إنما لما ابتديت اشتغل فى الحكاية دى، فهمت إزاي العيان ده كان بيوصف الجزء الأول من العملية دى، وإزاي إنه كان عنده حاجز أو عملية إبطاء سرعة من أول الخطوة الأولى فى العملية دى، يعنى خطوة الإدخال Input ، قبل كده بمدة طويلة، وأنا نايب سنة ٥٨ زيكوا كده، كنت باقرأ فى كتب الطب النفسى الوصفية الجميلة ، أعتقد كتاب هندرسون وجلييسى، قرئت إن من أعراض الفصام صداعات بالرأس غريبة أو شاذة، Bizarre cephalic encephalopathy اللى خلانى أنتبه للحكاية دى، إن كان فيه عيان عندى ساعتها فى القسم مش عايز يخف، مايبتحسنشى، وكان بيشتكى من إن دماغه ناشفة، وإن فيها حاجة بتلق، وساعتها ماكنتش فاهم، إنما بعدين (من سنة ٥٨ إلى سنة ٧١) ربطت ده بده، أظن ده اللى خلانى وأنا باقدم تطوير للنموذج الطبى الأشمل للطب النفسى<sup>(١٦)</sup>، أكد على إنى أشرح وابتين بنوع من القياس إن عملية "فعلة المعلومات" هى زيها زى وظيفة الجهاز الهضمى والتمثيل الغذائى، وعشان كده استعملت تعبير "التغذية البيولوجية بالمعنى ده" فى كتاب السيكيوباتولوجى بتاعى<sup>(١٧)</sup>، وبرضه كان النموذج الهضمى التمثيلى موجود فى ذهنى وأنا باحط نظريتى عن الأحلام، بس مديت فكرتى للقياس بعملية الهضم عند الحيوانات المجترّة، يعنى زى الحيوان ما بيخزن الأكل اللى دخل معدته بسرعة فى مخزن يرجع له ويرجعه

<sup>١٥</sup> - تطورت طرق الجمع (فالتباعة) من جمع الحروف حرفا حرفا من صندوق الحروف، إلى صب السائل الرصاص المنصهر فى آلة كبيرة تخرج سطورًا بأكملها من الرصاص المتجمد سطرًا سطرًا ترصّ تحت بعضها لتشكل الصفحة وهذا ما يسمى "اللينوتيب" وبعدين الحكاية اتطورت إلى ما يسمى المونوتيب يعنى الحروف واحد واحد.

<sup>١٦</sup> - "Expansion of the Concept of Medical Model in Psychiatry Editorial" Egypt. J. Psychiat. (1980a) 3: 159-161.

<sup>١٧</sup> - يحيى الرخاوى: "دراسة فى علم السيكيوباتولوجى" (١٩٧٩)

لما يلقى فرصة للمضغ الأكثر فاعلية وبهدوء أنجح بحيث الغداء يبقى جاهز وأسهل للامتصاص والتمثيل الغذائي، الظاهر إن الأحلام – بالقياس - بتقوم بنفس الوظيفة، يعنى أثناء نشاط اللحم الدورى (غير اللى بنحكيه) إننا بنرجع المعلومات الزحمة، عشان عقلنا يمضغها تانى ويرتبها عشان، تسهل تمثيلها وهضمها وترتيبها فى المخ.

أنا حاسس إنى طولت شوية، بس المدخل ده ضرورى عشان نعرف نفهم العيان ده بيقول إيه، وبيوصف إيه، المفروض إننا كل ما نسمع حاجة ما نفهمهاش من عيان، نركنها على جنب، يمكن بييجى لها يوم تلاقى مطرحها الصحيح فى اللى جارى، يعنى دلوقتى إحنا سنة ٢٠٠٩، وأنا باحكى لكم على عيان سنة ١٩٥٨، وواحد تانى سنة ١٩٧١، وأديكو شايفين المسائل بتتربط فى بعضها لوحدها، ما دام نتعلم ازاي ما نستعجلشى لازم نأخذ بالننا ونتعلم الصبر والتأجيل، بدال ما بنحشر إالى احنا مش فاهمينه، فى اللى احنا عارفينه وخلص، كده إحنا بنظلم المعرفة، عارفين أنا بافهم فكرة الإيمان بالغيب ازاي، حاجة زى كده، الإيمان بالغيب مش تسليم للخرافة، ده احترام لفاعلية وأهمية وضرورة اليقين باللى احنا مش عارفينه، مع فتح الباب بصبر معرفى ما لوش حدود، يمكن نعرفه فى يوم من الأيام.

نرجع يا مَلك للعيان بتاعك بقى، إنتِ شايقة فيه أى علاقة بين اللى انا باقوله، وبين استغرابك لوصف العيان حالته، واللى كان دافع إنك تقدميهولنا النهاردة.  
(د.ملك): حاسة إن فيه علاقة، بس مش قادرة أحدها قوى.

.....

.....

(ثم نكمل الأسبوع القادم)

نشرة "الإنسان والتطور"

السبت: ٢٠-١١-٢٠٢١

السنة الخامسة عشر

العدد: ٥١٩٤

من كتاب الفصام (٣)

"فصامى يعلمنا الفصام، (١٨)

دون أن ينفصم "فصامى" (٣ من ؟)

مقدمة:

قدمنا فى نشرتى الأسبوع الماضى (السبت والأحد) (١) استهلال، (٢) كلمة أساسية عن "الإدراك" لفهم الحالة، (٣) وملاحظات مبدئية (٤) ملخص الحالة.

(ونواصل اليوم)

(٥)

مزيد عن الفروض ومقتطفات من مناقشة أوراقه:

إن ثمة عين داخلية (عضو حسن له علاقة بالحواس وما حولها)، هى نوع متطور من الإدراك القديم جنباً إلى جنب مع الحديث، وهو نتاج مما جرى عبر التطور، وهذه العين تستطيع أن ترصد الداخل بما هو، وهى تنشط فى النوم أثناء النشاط الحالم أساساً (نوم حركة العين السريعة REM "ريم")، كما تنشط بإفراط فى بداية الذهان خاصة، وهى تستطيع أن ترصد الداخل "بما هو كما هو" فى البداية، كما قد تتعامل معه بأليات الذهن الأحدث من خيال، ولغة، وتفكير، وذاكرة، ولكن هذا ليس ضرورة للاعتراف بها، وإن كان هو من أهم السبل إلى توضيح آثار فاعليتها ونشاطها.

الفروض الفرعية من واقع الحالة المقدمة:

(أ) إن ما بداخل البشر هو حقيقة موضوعية (واقع موضوعى) وليس مجرد ذكريات أو "نفى" ما هو ظاهر: ("لاشعور!!!").  
(ب) إن رصد التفكك بواسطة رشاد لا يترتب عليه تلقائياً حدوث التفكك سلوكياً وأعراضاً.

١٨ - يحيى الرخاوى " الفصام (٣) "فصامى يعلمنا الفصام، دون أن ينفصم" منشورات جمعية الطب النفسى التطورى (٢٠٢٠)

(ج) إن تصديق رشاد في مثل هذه الحالات حتى قبل ترجمة خبرته إلى أعراض تسمى باسم مرض بذاته هو مفيد علمياً وعلاجياً.

(د) إن هذا المنهج قد يحل محل التفسيرات العشوائية للممارسات التي تمارسها العلاجات الشعبية، وأيضاً قد يساعد في الاستفادة من الفهم "الإمراضى" (19) لصالح إعادة التشكيل الصحى للمريض (التعافى فإطلاق النمو).

(هـ) إنه يمكن التحاور مع رشاد الذهانى (الذى أطلقنا عليه: الفصامى) على مستوى عال من التماسك والتفاهم.

### وصل ما انقطع:

فى هذه الحالة، تمَّ رصد عملية الانشقاق (الفصم)، وأيضاً عملية الخلل الذى لحق آلية "فعانة المعلومات" حتى أصبحت وكأن ما جرى ويجرى من اضطراب، كأنه يُرى ويُرصدُ بالعرض البطيء

### تكملة مقتطفات من المناقشة مع الطبيبة مقدمة الحالة (د.م).

ديحى: أعيد الفكرة اللى انا قلتها فى الأول، إن العيان بتاعك بيرصد العمليات العقلية، والمعرفية بالذات، خصوصاً بعد ما عيى، وكأنها بتجرى قدام عينيه بالسرعة البطيئة، ولما حانقابه، يمكن تبقى فيه فرصة نتناقش معاه جملة جملة فى كل اللى قاله ونعرف أكثر، العيان ده شايف مخه، شايفه بيشتغل إزاي، بعد ما عيى، يعنى هو شايف الباثولوجى اللى جارى، وبيشرح زى ما بيحصل بالضبط تقريباً.

(د.مريم): ده شرح لى كمان حاجات بس ما عرفتتش أقولها إزاي

ديحى: طبعاً، دا عايز مترجم فورى ناصح، ما كتبتيش اللى قاله كله ليه؟

(د.مريم): أصله قال لى كلام يعنى ما كنتش حاسة بأهميته، بس دلوقتى شايفه إنه يمكن كان مهم، يعنى مثلاً قال لى: "إن مخه ده أكن كوافير بيعمل لوأحده شعرها، فبيشد، فلما بيشد الشعر هى بتتوجع"، يعنى بيقولى كلام أنا مش عارفه حتى أعيده

ديحى: الله يسامحك يا شيخه، طب ليه ما كتبتيهوش، مش ده أهم من الهبل اللى عمالين يدوشونا بيه عن فتافيت الكيمياء عشان يكسبوا فلوس والسلام، ويقولوا علم، والله العظيم ربنا حاياحاسبنا إذا احنا استسلمنا للى بيعملوه فينا وهما بيمنعوا الدكاترة الصغيرين بالذات من أنهم يشوفوا العيانيين ويسمعوهم بحق وحقيق، أنا شايف إن شوية شوية حاتلاقى الدكاترة اتقلبوا أدوات تسويق عاجزة عن التفكير من أصله، كل ما يبصوا لعيان يقلبوه شوية شوية كيميا زيادة، وكيميا ناقصة، يا شيخة!!! الدكتور منا حايبقى بعد كده "مندوب مبيعات" هما بيبرمجونا بالبوفيه المفتوح واللوكاندات والسفريات عشان ما نسمعشى العيانيين بيقولوا إيه، ولا بيعيشوا خبراتهم إزاي، أول ما العيان ينطق نروح مترجمينه للى إحنا عارفينه، أو حافظينه، ونروح مدبينه اللى هو مكتوب وجاهز، ده مش علم، العيان بتاع النهارده مثلاً بيقول لك اللى حصل له، بيقى هوا اللى حصل له، لا أكثر ولا أقل، والعيان بتاعنا ده نفسه بيعترف بأنه مش قادر يوصف اللى جارى، نروح

19 - Psychopathological

احنا ناطين ومادين إيدنا على أقرب كلمة على الرف، ونلرقها على قفاه، اللغة يا بنتى أعجز من إنها تستوعب الخبرة اللي زى دى، فما بالك إنها توصلها،

ولازم كل عيان ناخده بشكل يختلف عن التانى، أنا بقالى ٣٨ سنة ما بين ما شفت العيان بتاع صف الرصاص الليوتيب اللي حكيت لكم عنه، وهو بيحزق عشان يزق سطر الرصاص عشان يمتزج بمخه، وما بين عيانك ده، أدكى شايفه، يا دوب بعد ٣٨ سنة باحاول أربط، ده بدّه لأنى الظاهر اتعلمت أحط المعلومة الغربية بين قوسين واستنى عليها لحد ما تلاقيها حنة أحطها فيها، وأعتقد إن اللي خلاكى تنبهرى بالعيان ده هو **الجهل المندھش** بتاع الصغيرين، يعنى الجهل ده ميزة جميلة جداً، بسبب جهلك الحلو ده روحى منبهرة ومصدقه وسامعه وكاتبه، ولو انك ماكتبتيش كل حاجة، عموماً، اللي كتبتيه كفاية، بس احنا نشغل فيه، ثم انت ما لاحظتيش إنك لما قلبتى الكلام انجليزى فى المشاهده (الشيت) باظ، اتبهدل، بقى قبيح جداً، وحتى لو قلبناه لغة عربية فصحي مش حايدى نفس الوظيفة.

أنا شايف إن اللي انا سمعته من العيان ده، قصدى اللي انت كتبتيه يعنى، كل كلمة حايتبت إن لها دلالاتها غالباً، أنا مش عايز أبالغ، إنما أنا حاسس إن كل جملة قولتها فى الصفحتين الأولانيين من كلام العيان لها دلالاتها، دا بيوصف الشق اللي حصل فى مخّه من ثلاثاشر سنة كانه بيوصف عملية قطع الجسم المندمل **Corpus Callosotomy**، إنتو عارفين إن فيه نظرية لتفسير الفصام إنها نوع من الفصل الوظيفى بين النصفين الكرويين، زى اللي قاله العيان ده بالظبط بس من غير عملية، إنتو خدتوا بالك من الخواجة كرو **Crow** اللي جابه الأستاذ الدكتور عماد فى مؤتمرننا الأخير هنا، الراجل ده راجل عظيم، ولو انه مخنوق يا عيني بالمنهج الخوجاتى، إنما قال كلام مهم جداً، مش عارف إنتو فهمتوه ولا لأه، وفهمتوا تعليقى على اللي قاله ولا لأه، المهم الراجل ده ربط الفصام بتطور المخ البشرى، وخصوصاً تمييز عمل النصفين الكرويين عن بعضهم، وقال إن النقلة دى، لما المخ الشمال (أو الطاغى والسلام) ابتداءً يختص باللغة والرموز، واليمين يختص بالأشكال والخبرات الكلية والكلام ده، حصل تباين وتباعداً، لأن اللغة فى شكلها الرمزي السائد أعجز من إنها تستوعب الخبرة الكلية، فأصبح البنى آدم العاقل **Homo-sapiens** معرض للانشقاق ما بين اللغة، وما بين الخبرة، فلو زاد الانشقاق حبتين، تبقى المسألة بتقرب من الفصام، ده اللي انا فهمته على قد ما قدرت، وأنا رأيت إن الأحلام بتعوض الحكاية دى شوية، زى ما يكون النصف المتتحى بتاع الصور والألحان والكلام ده بياخد حقه شوية أثناء نشاط الحلم اللي هو أغلبه "تصويرى"، يقوم يحصل تقارب ولو بالتناوب، يعنى كل نصف كروى ياخذ فرصته، عشان يبقى فيه إمكانية للتكامل بأى درجة، أو على الأقل السكة تمشى فى اتجاه القرب مش الفصم.

أنا متأسف الحالة بتاعتك دى كويسة جداً فاعشان كده المقدمة اللي انا بامهد بيها لمقابلته كانت طويلة شوية، يمكن من خلالها نقدر نفهمه أكثر حبتين.

(د.ملك): هو فعلاً يادكتور هو كان بيحاول يشرح لى، وأنا اللي ماكنتش فاهمه وماكنتش عارفه أكتب اللي بيقوله حتى ...

ديحى: إنتى عندك حق، بس برضه عملتى شغل كويس أوى أوى، أنتى عندك حق.



\*\*\*\*

## والآن ننتقل إلى المقابلة مع رشاد

### أول مقابلة، في نفس اليوم بعد تقديم المشاهدة مباشرة:

يدخل رشاد مترددا ، يلتفت إليه د. يحيى منتبها:

د. يحيى: رشاد؟ لا مؤاخذه يا بنى، صباح الخير يا رشاد

رشاد: صباح الخير يادكتور

د. يحيى: صباح النور، إنت عارفنى؟

رشاد: دكتور يحيى

د. يحيى: عارف إسمى يعنى؟

رشاد: عارف إسمك، آه

د. يحيى: إسمى يحيى إيه؟

رشاد: لأه، انا ماعرفشى، انا عارف أسمك الدكتور يحيى وبس

د. يحيى: أحسن، عموما: أنا باشتغل هنا، ودكتور كبير شوية، وزملانى وبناتى هنا بنتقابل كل يوم

خميس علشان نناقش الحالات المهمة مع بعض، حالات زى حالتك كده، أنا اسمى يحيى الرخاوى إذا حبيت

تعرف أسمى التانى ولا كفاية يحيى

رشاد: كفاية يحيى

د. يحيى: إنت جدع، كده المعرفة على مية بيضا، وأنا برضه كفاية رشاد، هما بيندهو عليك بايه،

بيقولولك: فى البيت ولا فى الشغل إيه، يا بو الرشد، ولا يابو فلان، ولا يا رشدى.

رشاد: هو إسم رشاد أفضل يعنى

د. يحيى: انت كل جملة قلتها أو حانقولها حانحاول أنا وانت نعيشها، بما إن أنا كبير شوية، إنت بتقول

"أنا شايف الحقيقة بس لما آجى أطلبها بلاقيها مش حقيقة"، مش كده؟

رشاد: لأ يعنى، أنا باقول أنا شايف اللى أنا فيه ده حقيقة

د. يحيى: الحقيقة يعنى اللى أنت فيه دلوقتى، أبوه كده، ما توسعهاش قوى.

(\*) (٢٠).... استيضاحه هكذا يبين أنه إنما كان يعنى بالحقيقة "ما هو فيه" وليس

الحقيقة التى خطرت لى لأول وهلة، أعنى الحقيقة المطلقة، وأيضا تعبير "أطلبها" كان

يعنى "أطلبها" من الطبيب، أى يسأل الطبيب عما إذا كانت خبرته التى يعايشها واقعية

(حقيقية = هى الحقيقة) أم لا.

رشاد: ولما باجى أطلبها من أى دكتور يقول لى إنت حاسس كده، ولكن هى مش حقيقة

د. يحيى: الدكتور اللى بيقول لك هى مش حقيقة، ولا أنت اللى بتكتشف إنها مش حقيقة

٢٠ - ملحوظة: تعقيب د. يحيى الحالى على المقابلة هو تعقيب للنشرة ولم يطرح أصلا فى الدرس. وهو ببنت أسود أصغر وهامش كبير دون ذكر اسم الأستاذ، ويبدأ بعلامة النجمة (\*).

رشاد: لأ، قعدتى مع الدكتور هى اللى بتبلغنى إنها مش حقيقة

ديحى: وهوا الدكتور إيش عرفه؟ حاجة غريبة!!

رشاد: مش دكتور بقى!؟

ديحى: إيش عرفه الحقيقة من اللى مش حقيقة، هوا ولى أمر الحقيقة؟ إنت شايف الحقيقة زى ما أنا

شايف الكوباية دى، مش كده؟

رشاد: آه

ديحى: بأمانة إيه بقى الدكتور يقول لك إنها مش حقيقة؟ هو ربنا سلم الحقيقة لشوية ناس وأخذها من

ناس تانيين

رشاد: بس معروف إنه دكتور متخصص فى حاجة زى كده

ديحى: يعنى هوا متخصص فى الحقيقة؟ هوه متخصص فى أكل عيشه، وتصليح المايل، والتربيح،

والدوا والحاجات دى

رشاد: يعنى هى حقيقة؟

ديحى: ليه لأه؟

رشاد: يعنى هى حقيقة

ديحى: مش إنت شايفها؟

رشاد: آه

ديحى: تبقى حقيقتك ١٠٠%، ما دام ما تفرضهاش على حد، مين يعرف؟ سواء اللى قلته للدكتورة

(دمريم)، سواء اللى انت حاتقوله دلوقتى، سواء اللى أنت مش حاتقوله، تبقى حقيقة ١٠٠%، فتح كلام

على الأقل بالذات بالنسبة لك، مش لكل العيانيين ولا لكل الناس، ده على حد ما وصلنى من كلامك مع

الدكتورة (دمريم)، وحتى لو ما وصلنيش أنا باعتبار إن الحقيقة بتاعتك هى اللى انت شايفها، نعمل إيه بقى

فى البداية بتاعتى الغربية دى؟ قصدى بداية مش معتاد عليها العيانيين مع الدكاترة، مش كده؟

رشاد: تمام.

ديحى: نعمل إيه فى الدكاترة بقى؟

رشاد: لأ الدكاترة بصراحه ممتازين، حرام

(\*) هذا الأسلوب الذى ظهر فى هذا الحوار هكذا مع رشاد، لا يجوز تعميمه، وهو

يصلح أكثر لحالة الذهان النشطة، وفى البداية عادة، عبر عشرات السنين أصبحت لا

أعتبر حقيقة رشاد مثل التى يتكلم عنها رشاد أنها مجرد "حقيقته" الخاصة جدا، بل

رحت أتبنى أنها "الحقيقة الأخرى"، من حيث أنه يدركها بأدوات حسه الداخلية، فى

حين أننى - الطبيب - لا أملك نفس هذه الأدوات نشطة هكذا من ناحية، وحتى إن

ملكها فلا أملك إلا أن أرى داخلى أنا وليس داخله هو، طبعا هذه ليست قاعدة ولا

تنطبق إلا على الهلوسات والضلالات النشطة الحقيقية التى ترصد، أى تُدرك، بالعين

الداخلية، وأقول تدرك من "الإدراك" من Perception، ولا تنسج فكرا أو خيالا نسبة

### إلى التفكير أو التخيل أو Thinking أو Imagination

د.يحيى: ماشى، بس الظاهر هما مضطرين إنهم ينكروا عليك الحقيقة لمصلحتك؟ همّا ممتازين، صحيح  
كثر خيرهم، ثم همّ بيعملوا اللي هما عارفينه وخلص، هو حد يقدر يعمل أكثر من اللي هو عارفه!!

(\* طبعاً لا أنصح بأن يمارس هذا الأسلوب إلا من يدرك يقينا احتمال صحته جدا،  
وإلا أصبح تطبيقاً لأخطر وأغلط مبدأ يقول "ناخد المجنون على قد عقله" هذا المثل هو  
عكس ما يجرى فى مثل هذا الحوار المنطلق من الاحترام المطلق لاحتمال أن خبرة  
رشاد هي "حقيقة" وأحيانا هي "الحقيقة"، ليس معنى ذلك أننا نقر الجنون أو ندافع  
عنه، وإنما هو ينبهنا أن علينا أن نبدا من احترام الخبرة. مع اختلاف أدوات الإدراك  
بيننا وبين رشاد، وأيضا بين إدراك الواقع الخارجى وإدراك الواقع الداخلى.

رشاد: تمام

د.يحيى: عارف الدكتور (د.مريم) قاعدة عاملة كده ليه؟ (تبدو عليها الدهشة)، عشان مش شايفة  
الحقيقة

رشاد: ليه؟

د.يحيى: أصل الجماعة بتوع الدوا والفلوس يا رشاد حاطين حاجز بين الدكاترة والحقيقة، بيحى عيان  
غلبان زيك يقول لهم الحقيقة يقولوا له لأه، إنت مش شايف، بس عشان الدكتورة (د.مريم) يمكن صغنتوطة  
قامت صدقتك شوية، وراحت مخضوضة، وقالت مش فاهمة، مش فاهمة، وعرضت علينا حالتك يمكن  
نفهم سوا.

رشاد: وبعدين؟

د.يحيى: بداية صعبة، معلىش

رشاد: لأ، مافيش حاجة، بس نخليها واحدة واحدة؟ يعنى نتكلم على إنها الحقيقة؟

د.يحيى: أنا رأيت اللي ربنا حايباسبني عليه إن: "أيوه" ولو كبداية.

رشاد: هي دي الحقيقة؟

د.يحيى: ليه لأه؟ تعرف يا رشاد: أنا كل أمنيتي قبل ما أموت، أنا كبير فى السن شوية كتار، إنى يعنى  
أوصل للناس (وبالذات لزملائى الصغيرين) اللي انت قلتة ده، الناس يعنى اللي لسه ماتتسو هوش، لسه ما  
ثلاعبشى فى مخهم.

رشاد: تمام

د.يحيى: إحنا نبدا نشوف اللي احنا شايفينه حقيقة، إحنا والناس اللي زينا كده، وبعدين نشوف إيه  
الحكاية، يعنى بقى يمكن نُفرج، تطلع إنها حقيقة لوحدها وخلص، أو تطلع إنها جزء من الحقيقة، أو يطلع  
إن فيه كذا حقيقة، المهم تكون البداية كده.

(\*) برغم ما يبدو فى هذا المنطق من صعوبة، وكأنه درس فى الفلسفة، إلا أنى لاحظت أن المرضى يلتقطونه أسهل بكثير من الأسوياء العاديين. (ومن أغلب الزملاء الأكبر).

رشاد: ياه !!

ديحى: لما ساعات عيانيين يجولى من كتر الدكاترة ما قالوا لهم زى ما قالوك كده، إنهم غلطانيين وكلام من ده، يصدقوا الدكاترة ويكذبوا نفسهم، يقول لك أصل الدكتور قال إن اللى أنا شايفه غلط، قال إنه غلط يبقى غلط، من غير ما يفسروا يعنى إيه غلط ويعنى إيه صح

رشاد: ما هو ده عشان دكتور متخصص

ديحى: متخصص فى إيه؟ هو متخصص فى التخصص بتاعه، مش متخصص فى الحقيقة، مش احنا قلنا إن مفيش دكتور اسمه أخصائى الحقيقة؟

رشاد: لأ، لأ، لأ طبعاً

ديحى: طيب يا أخى كفاية كده النهاردة؟ أنا لخبطتك

رشاد: لأ إزاي إتفضل

ديحى: نعم؟

رشاد: إتفضل إتكلم

ديحى: لأ بقى ده إنت تقعد تهضم فى اللى احنا قلناه دلوقتى وقت طويل على ما نبتدى نتكلم تانى، لو انت مصدقنى، عشان يبقى تصديق بحق وحقيق، مش دهشة وتفويت، أصل صعب يا ابنى إنك تصدقنى، أنا ساعات ما باصدقشى نفسى.

(\* هذا التوقف، وعرض إنهاء المقابلة له أهمية خاصة، لاختبار استقبال رشاد

جرعة القبول، مع اختلاف نوع الحوار، ومن ثمَّ اختبار رغبته فى مواصلة الحوار، فى

مقابل الخوف من التماذى، ثم إن إعلان الطبيب لحيرته هكذا مبكراً، قد يشجع رشاد أن

يأخذ دوراً إيجابياً غير دور انتظار التفسير الجاهز الدماغ من سلطة علوية.

رشاد: لأ، لأ، مصدق مصدق إنشاء الله

ديحى: نعم؟

رشاد: مصدقك بس كل اللى أنا عايز أعرفه يادكتور يعنى أنا اتحطيت ليه فى المكان ده

ديحى: هه؟؟ أنهو مكان؟

رشاد: يعنى الحقيقة دى جاية منين؟ حد قاصدها ولا هى جاية لوحديها؟

ديحى: طبعاً حد قاصدها، بس الحد ده جواك

(\* ابتداء من هنا يبدأ تفسير مباشر لما اعتبره الطبيب حقيقة "داخلية" وليس

حقيقة "خاصة"، وهذا ما أسميه "الواقع الداخلى" باعتباره واقعا فعلا يمكن أن يُرى

(بالعين الداخلية) أو يسمع (بالأذن الداخلية) .... إلخ.

رشاد: يعنى حد قاصدها.

د. يحيى: بس من جواك، من كتر ما أنت مش عارف إنه جواك، والدكاترة برضه مش مصدقين

الاحتمال ده، بتروح الحاجات طالعه بره، وترجع لك كإنها جاية من بره، مع إنها مقصودة من جواك

رشاد: مين يعنى

د. يحيى: أظن اسمه رشاد برضه، فى الغالب يعنى.

رشاد: طب إزاي يادكتور؟

.....

.....